



Publicaziuns dalla vischnaunca, jamna 38

Lubientschas da baghegiar

L'istanza da baghegiar ha concediu suandontas lubientschas da baghegiar:

2013-1046.000

Carin Schmed-Friberg, Via Sogn Gions 6, 7180 Disentis/Mustér; construcziun d'ina scala el liber, parcelas 759 e 760, Via Sogn Gions 6, 7180 Disentis/Mustér.

2013-1005.001

Jürg Riesen, Schützenmatt 23, 6044 Udligenswil; casa nova da pliras habitaziuns (midada da project), parcella 421, Via Plauns 17, 7180 Disentis/Mustér.

Disentis/Mustér, ils 16-9-2013

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2013-2069

Claustra da Mustér, Via Claustra 3, 7180 Disentis/Mustér; remplazzar il tetg da slondas dalla casetta da curtin «Montaphons», parcella 580, 7180 Disentis/Mustér.

Nr. 2013-2071

Rita e Beat Levy-Venzin, Lindenstrasse 17, 8302 Kloten; cuvierer l'ala tetg enviers sera cun collecturs fotovoltaics, casa sin parcella 663, Via Gonda 16, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 16-9-2013

Uffeci da baghegiar Disentis/Mustér

Sanaziun dalla via da quartier Via Sogn Gions

Introducziun dalla procedura da contribuziun (perimeter)

Il 3 da matg 2013 ha la suprastanza communal communicau als proprietaris da schischom l'introducziun dalla procedura da contribuziun per la sanaziun dalla Via Sogn Gions. En connex cun quella procedura ei vegniu inoltrau entginas protestas. Plinavon ha giu liug ils 7 da zercladur 2013 ina informaziun pils pertuccai.

Sin fundament dallas informaziuns sedadas ord las protestas e la discussiun a caschun dalla seduta dils 7 da zercladur 2013 ha la suprastanza communal surluvrau igl intschess pertuccau, adattau las cumparts e concludiu d'instradar da niev la procedura da perimeter. Sco gia stau communicau preveda il project la sanaziun dall'entira via naven dalla sbuccada en la Via Lucmagn entochen tier la Via Sontga Gada. Il medem mument eis ei previu da remplazzar la reit per la dismessa dall'aua. Ultra da quei vegn la Corporaziun d'aua Spina da vin a remplazzar certas parts dil conduct d'aua. Ils ulteriurs proprietaris da lingias da provediment vegnan medemamein envidai da surluvrar lur lingias e da far las adattaziuns necessarias. En connex cun la sanaziun dalla Via Sogn Gions eis ei eventualmein era pusseivel d'adattar la situaziun per entradas e sortidas privatas existentas. Nus supplichein per quei da comunicar ad uras giavischs da quei gener, per che quels sappien vegnir risguardai el project dalla via.



La finanziaziun da quellas parts privatas succeda secapescha entras il proprietari da terren pertuccau. La procedura da contribuziun sedrezza tenor las prescripziuns dils art. 58–64 dalla lescha davart la planisaziun dil territori (LPT) e dils art. 22–27 dall'ordinaziun davart la planisaziun dil territori dil cantun Grischun (OPT). Egl'empre pass communichescha la suprastanza communal l'intenziun d'introducìr la procedura da contribuziun per la sanaziun dalla Via Sogn Gions. El medem mument fixescha ella l'interessenza publica resp. privata, la part digl'implont suttamess alla procedura da contribuziun sco era la cunfinaziun previda pil territori da contribuziun (perimeter).

Alla procedura da contribuziun ein suttamess:

- Ils cuosts per la sanaziun totala dalla via naven dalla sbuccada Via Lucmagn entochen alla sbuccada Via Sontga Gada.
- La suprastanza communal ha el senn dallas prescripziuns d'art. 63 dalla lescha davart la planisaziun dil territori dil cantun Grischun fixau l'interes senza publica a 30% e la privata a 70%.
- Il territori da contribuziun secuviera cul cunfin dalla zona da baghegiar a Sogn Gions e Catins, numnadamein:
 - la zona dil vitg
 - la zona da habitar mischedada
 - la zona per baghetgs e stabiliments publics

Il territori suttamess alla procedura da contribuziun sorta dil plan da situaziun exponiu. Il plan da situaziun cul territori suttamess alla procedura da contribuziun ed il conclus dalla suprastanza communal davart la fixaziun dall'interessenza publica resp. privata ein publicai duront 30 dis naven dils **20 da settember 2013** en casa communal (stanza nr. 10). Encunter l'intenziun d'introducìr la procedura da contribuziun, la fixaziun dall'interessenza publica resp. privata e la cunfinaziun dil territori da contribuziun sa, el senn dallas prescripziuns d'art. 23 OPT, vegnir protestau duront il temps dalla publicaziun officiala alla supra stanza communal, caum postal 57, 7180 Disentis/ Mustér. La protesta sto vegnir inoltrada a scret ed ei da motivar. Per ulteriur sclariment stat il menader digl'uffeci da baghegiar (tel. 081 920 36 46 ni e-mail baghegiar@disentis.ch) sunter preannunzia bugen a Vossa disposiziun.

Disentis/Mustér, ils 17-9-2013
Suprastanza communal

Votaziun federala e cantunala

L'urna principala en casa communal ei aviarta sco suonda:

Sonda, ils 21-9-2013, 18.30-19.30
Dumengia, ils 22-9-2013, 9.00-11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton *sil pli tard entochen venderdis, ils 20 da settember 2013 allas 17.00* tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.



Ils cedels da votar ston esser sil pli tard la sonda, ils 21 da settember 2013 allas 12.00 tier l'administraziun communal.

Il certificat dil dretg da votar ei da suttascriver. *Senza Vossa suttascripziun cun agen maun ei la votaziun nunvaleivla.*

Suprastonza communal Disentis/Mustér

Taxa da cumpensaziun da pumpiers 2013

Tenor art. 12 dalla lescha da pumpiers dalla vischnaunca da Mustér ein students ed emprendists deliberei dil survetsch activ da pumpiers sco era dalla taxa da cumpensaziun.

Nus fagein attents tut ils students ed emprendists sur 20 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen venderdis, ils 11 d'october 2013 all'admini straziun communal, caum postal 57, 7180 Disentis/Mustér ni per e-mail (jbearth@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal Disentis/Mustér

Scaldaments mobils el liber

bulius da scaldar, radiators, radiators d'infratgietschen e.a.v

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'emissiun CO₂ sto vegnir cumpensada en Svizra.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La cumpensaziun dall'emissiun da CO₂ succeda entras il gestiunari ni entras la vischnaunca.
4. Sch'ils gestiunaris cumpenseschan sez l'emissiun da CO₂, vegn la vignetta concedida gratuitamein entras la vischnaunca.
La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p. ex. myclimate). Per apparats da scaldar electrics po l'obligaziun da cumpensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricidad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'emissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada.
Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'emissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.



7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

8. Quell'ordinaziun entra en vigur igl 1. da settember 2011.

Las vignettas san vegnir retratgas tier l'administraziun communal. Per ulteriur sclariment stat igl uffeci da baghegiar (Ervin Maissen, tel. 081 920 36 46) a disposiziun.

Suprastonza communal Disentis/Mustér

Annunzias per la fiera s. Martin

La fiera da s. Martin ha liug uonn gliendisdis, ils 11 da november 2013.

Annunzias per stans da fiera ein da far a scret entochen **mesjamna, ils 2 d'october 2013** all'administraziun communal. **Annunzias suenter quei termin san buca pli vegnir risguardadas.**

Administraziun communal Disentis/Mustér

Controlla da habitonts

Naschientscha

Noelia Matilda Berther, naschida ils 23 da zercladur 2013, feglia da David Berther e Toja Maissen Berther naschida Maissen.

Rimnada da pupi – Venderdis, ils 4-10-2013

Adatg! Ei vegn mo rimnau: gasettas, illustradas, catalogs, cudischs e prospects stampai

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!
Scolas Mustér, Ch. Berger

Apparats d'udida

Gliendisdis, ils 23 da settember 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

*a Mustér naven dallas 14.00–ca. las 15.15
a Curaglia naven dallas 15.30–ca. las 16.30*

L'uniun Pro Audito Chur, cun signur Arthur Jacomet fa quei survetsch per tuts interessents gratuitamein.

Cordiala invitaziun
Center da sanadad Sursassiala SA



Viadi dall'Uniun da dunnas Mustér

Venderdis, ils 4 d'october 2013 mein nus sin viadi. Igl emprem mein nus a Sirnach ella casa d'orchideas e suenter visitein nus la fabrica da tschugalatta Maestrani a Flawil. Partenza da Mustér allas 7.00. Arrivada a Mustér ca. allas 20.00. Annunzias san vegnir fatgas entochen ils 25-9-2013 tier:

Sigrid Loretz, 076 517 88 79,
Fabiana Candinas, 081 947 42 88/079 373 61 58.

Nus selegrein sin Vossas annunzias e sin in bi di ensemen cun Vus
Christina, Madlen, Nanetta, Sigrid e Fabiana

Fiera da resti d'affons cun stiva da caffè Uniun da dunnas Mustér

Mummas cun affons pigns

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos eav.

Dunnas che drovan ina nova numra, ni han damondas san prender si contact cun Susanne Strupler, tel. 081 936 43 14.

Dar giu resti:

Venderdis, ils 27 da settember 2013 dallas 16.30 entochen allas 17.00.

Adatg: mintga grondezia da resti separau en ina tastga.

Vendita:

Venderdis, ils 27 da settember 2013 dallas 19.00 entochen allas 21.00.

Sonda, ils 28 da settember 2013 dallas 9.00 entochen allas 10.30.

Retuorn dil resti buca vendiu (minus 20%):

Il resti vegn returnaus e pagaus sonda, ils 28 da settember 2013 dallas 13.15 entochen allas 13.30. Per uorden che maunca sorprendin nus negina responsabladad.

Kinderkleiderbörse mit Kaffeestube

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, sowie Spielsachen, Schuhe, Auto- und Tischsitze, Kinderwagen, Velos usw.

Frauen, die eine Nummer brauchen oder Fragen haben, können mit Susanne Strupler, Telefon 081 936 43 14 Kontakt aufnehmen.

Annahme:

Freitag, 27. September 2013, von 16.30 bis 17.00 Uhr in der Turnhalle Cons, Disentis.

Achtung: Jede Kleidergrösse separat in eine Tasche.

Verkauf:

Freitag, 27. September 2013, von 19.00 bis 21.00 Uhr

Samstag, 28. September 2013, von 9.00 bis 10.30 Uhr

in der Turnhalle Cons, Disentis

Auszahlung (abzüglich 20%) und Rückgabe:

Samstag, 28. September 2013, von 13.15 bis 13.30 Uhr.

Für fehlende Sachen übernehmen wir keine Haftung.

Mummas cun affons pigns



Cuors agid d'urgenza

L' Uniun samaritana Mustér organisescha in cuors agid d'urgenza tenor las directivas SSB.

Datum: venderdis, ils 4 d'october, dallas 19.30–21.30
sonda, ils 5 d'october, 8.00–12.00/14.00–18.00

Liug: Casa da scola, Mustér

Annunzias: Ein da far entochen **ils 24 da settember 2013**
tier: Yvonne Flepp, tel. 081 947 50 35
e-mail: yvonne.flepp@kns.ch

Uniun da dunnas Mustér

Fiera da Nadal a Mustér

Dumengia, ils 24-11-2013 organisescha l'uniun da dunnas la fiera da Nadal. La fiera ha liug naven dallas 11.00–19.00 sin la piazza da scola a Mustér. Annunzias ei da far tochen ils 10-10-2013. Per damondas ed annunzias stat Fabiana Candinas bugen a disposiziun, 081 947 42 88, 079 373 61 58, fcandinas@gmx.ch.